

CCCXXXVI.

*Lettre du Prince d'Orange au Magistrat d'Ypres. —
Il est urgent d'envoyer une somme de 6000 florins,
pour satisfaire la garnison de Menin. (Arch. Y.)*

Messieurs. Pour la grande instance et poursuite que ceulx de la garnison de Menin font pour leur paiement n'ay peu laisser de vous escrire ceste pour vous prier et inhorter bien instamment que donniez tel ordre qu'ilz puissent estre contentez, a quoy faire sera entierement necessaire de fournir un six mille florins promptement. Et d'aultant que vous scavez combien qu'il importe que lad^{te} ville soit conservee me veulx asseurer que ne laisserez de faire tel debvoir comme pour votre bien et conservation scavez estre convenable. Et ne servant ceste a aultre fin je prieray Dieu vous donner,

Messieurs, avecq bonne sante heureuse vie et longue. D'anvers le 16 d'octobre 1580.

Vre bien bon amy a vous faire service

GUILL^e DE NASSAU.

A Messieurs

M^r le Grand baillif Bourgm^{re} Eschevins
et conseil de la ville d'Ypres.

1580
16 Octobre.